



Broj: 15-03-16-5-46-42/25
Datum: 16.12.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/19 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (1) tačka b) Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikaciona dokumenta, evidenciju i razmjenu podataka Bosne i Hercegovini donosi

O D L U K U o poništenju postupka javne nabavke

Član 1.

Poništava se postupak javne nabavke **poštanskih usluga za područje Bihaća i Sarajeva**, objavljen na Portalu javnih nabavki Bosne i Hercegovine, broj Obavještenja o nabavci 1110-9-2-8-22-117/25 od 27.11.2025. godine, koji je proveden postupkom dodjele ugovora o uslugama iz Aneksa II Zakona o javnim nabavkama.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenog postupka nabavke poštanskih usluga za područje Bihaća i Sarajeva, u skladu sa postupkom dodjele ugovora o uslugama iz Aneksa II Zakona o javnim nabavkama, konstatovano je da je rok za prijem ponuda 9.12.2025. godine do 10:00 sati, te da je do navedenog roka na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača „JP BH Pošta“ d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u Pozivu za dostavljanje ponuda u postupku dodjele ugovora o nabavci usluga iz Aneksa II Zakona o javnim nabavkama za nabavku poštanskih usluga za područje Bihaća i Sarajeva, broj 15-03-16-5-46-28/25 od 25.11.2025. godine, (u daljem tekstu: Poziv), a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-46-40/25 od 15.12.2025. godine, u kojem su detaljno obrazloženi razlozi za poništenje postupka.

Naime, ponuda ponuđača je dostavljena za obavljanje usluga prenosa poštanskih pošiljaka u unutrašnjem i međunarodnom poštanskom saobraćaju u Bihaću i Sarajevu, te je prema Pozivu ocijenjeno da je ponuđač kvalifikovan, a njegova ponuda prihvatljiva, ali ne i pravilna. Od ponuđača je zahtijevano pojašnjenje neprirodno niske cijene ponude s



obzirom na dostavljeni Izvod iz cjenovnika poštanskih usluga u unutrašnjem prometu, te kako isti nije dostavio osnovano obrazloženje, Komisija je predložila da se ponuda ovog ponuđača odbije.

U skladu sa svojom ocjenom Komisija je predložila poništenje postupka javne nabavke u skladu sa članom 69. stav (2) tačka d) Zakona o javnim nabavkama, jer u postupku jedina zaprimljena ponuda nije prihvatljiva.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom, u rokovima propisanim Zakonom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed